

敬鄉筆述目錄

卷五

周孝子琦

曹孝子寯升

張孝子淦

胡孝子柄泰

書趙錫朋死事

金剛愍本籍建立專祠

金剛愍眷屬蘇城殉難

敬鄉筆述目錄

一

長春書屋

陳遊戎毅死大沽之役

附存  
誦芬彙錄

喜雪詩

詠貞烈殷氏詩

金芳舟圖照題句

碩德耆年會詩

竹溪泛櫂圖題句

張船山題從軍圖詩

沈存圃明府紅葉和韻

又寄德化尹詩

長夏漫興七絕一首

卷六

周節烈龍氏

樊節烈王氏

王孝烈湯氏

鄭節烈劉氏 附紀設立採訪局

楊孝烈張氏 附徵詩文啟

張貞孝女蘊仙 附同鄉官公稟稿 江西撫奏稿

敬鄉筆述目錄

二

長春書屋

鄭孝烈女菱仙

節婦崔氏李氏事記

劉節烈王氏

章節烈王氏

辛節烈王氏

李節烈徐氏

門節烈張氏

敬鄉筆述卷五

天津徐士鑾沅青輯

周孝子琦

李斗揚州畫舫錄周大綸字理夫天津人官彰化縣丞  
臺匪畔執之囚數日罵賊而死賊平贈雲騎尉長子琦  
負骨歸葬至揚琦卒停柩湖上兩月為詩弔者甚多江  
都焦循周縣丞傳傳末云公長子琦字璞亭材質穎異  
精力過人賊平福大將軍上公死事狀欽賜葬祭銀封  
爵雲騎尉子孫廕襲琦痛父骨未歸葬以廕官讓弟渡

敬鄉筆述卷五

一

長春書屋

海至諸羅家故貧力貧忍瘁踰越險阻哀毀致疾乾隆  
五十六年卒於揚州公遇害年五十有一琦歿年三十  
有八焦循曰公死事狀琦得之於葉生友伯諸羅人稱  
之不異詞琦以語弟鼎鼎親語余閱津門詩鈔琦卒於揚州途次其弟璠扶  
父兄柩歸里案璠即海村然如陳德之忠案陳德理夫  
先生想先生初名鼎也縣丞僕紹興  
人公遇害時德急抱持以身蔽案葉生名友  
賊並擊之德大罵賊亦支解死伯廣東嘉應  
人商於諸羅以公廉正素好公賊縛公去友伯探知懷  
橘餅二冒危至囚所勸公食既被害公屍及陳德屍縱  
橫狼藉於樹上下莫敢收者友伯至屍所拜哭藁葬於  
地逮大兵剿賊後有司覓公屍友伯示其所以禮斂之  
公子琦渡海移公柩友琦之孝友余苦其不傳也案理  
伯復為之經理盡善云

夫二尹爲躍滄觀察人龍子續志忠節有傳所敘甚詳  
陳德之忠葉生之義皆詳敘焉惟於公子琦痛父骨未  
歸葬以蔭讓弟渡海至諸羅及哀毀致疾卒於揚州各  
節一語未及而孝行志亦無琦傳余見津門詩鈔躍滄  
觀察詩後附載焦理堂孝廉所撰周二尹傳樹君學博  
將陳德葉友伯公子琦分敘三段若各爲一傳然樹君  
先生其深有意歟賈廷琳案焦循雕菰樓集原撰  
卽如此非由樹君先生所分也余因  
續志無琦傳且從未聞邑人稱述其孝友者特從津門  
徵獻詩所載揚州畫舫錄焦循周縣丞傳摘要錄出以

敬鄉筆述卷五

二

長春書屋

表章之

曹孝子寯升

香吟師碧琅玕館文鈔有刲股辨爲曹孝子寯升作也  
文曰韓文公之論刲股也寥寥數語義正詞嚴後人幾  
無從置喙矣而余自居憂以來愧恨萬狀感於曹子之  
事人各異詞有不能終默者焉夫人子侍親之疾不幸  
至百藥無效而疾曰篤當心力俱窮之際哀懼交迫之  
時又復須臾難緩苟有一術得以自盡將徼倖於萬一  
爲吾親延其命又何暇作一轉念預計人將有以議我

遲迴而不決乎設恐人之議我而不爲則是爲人子者直自等於無關痛癢之人第從而歔歔太息委之命與數焉抑亦思此何時耶此何心耶而彌留病榻僅餘一息者爲何人耶且衰年多病大約皆陰虧而陽亢藥性之涼熱俱不受惟與氣血相關者卽以其氣血補之庶能得所滋養以助其生氣故刲股者每有奇效不必更謂至誠感神別有默佑之者也或者曰人子以順親爲孝苟當卧病時知吾子刲股以醫我勢必至心悸而病轉劇是又不然試思侍疾者目不交睫脅不沾席衣不解帶或至冒寒暑遠道延醫何在爲親心所安者將並置之而不爲乎况從來刲股者皆不使人知吾親又烏從知之至謂刲股或不免戕生戕生者非孝是又未知於髓脾之處割寸許之肉萬不至戕其生也傳聞乃更有割肝者則必不可矣而韓文公獨力斥之其亦有說當其時憲宗迎佛骨入禁中旣又送之遍歷諸寺愚民無知不惜燒頂焚指以爲供養男女雜沓敗俗傷風安知無爲親祈福惑於佛法捨身之說而毀傷其肢體以斷臂爛身爲盡孝者文公之論所謂大其防以杜其漸

敬鄉筆述卷五

三

長春書屋

也豈得泥而視之不深體夫人子萬不得已之苦衷哉  
及門曹子星階名騫升弱冠遊於庠天資明敏生有至  
性而體素弱有腹疾光緒元年春父病篤舉室皇皇罔  
知所措一日病忽愈人皆驚喜星階則手足若拘攣者  
詢之以顛踣致傷對旣而察知其故蓋前一夕刲股及  
臂凡七處和藥煎之以進也其創旋亦漸愈乃閱一月  
父病復發卒不起星階盡哀盡禮苦塊中腹疾不時作  
遂成痼疾至光緒七年夏卒年二十有八同里約舉其  
孝行及刲股事上之當路援例得旌論者或目爲愚孝

#### 敬鄉筆述卷五

#### 四

長春書屋

非儒者所宜爲而余心滋感矣爰書以質諸天下後世  
之侍親疾者案星階茂才卽星槎太史騫瀛之胞弟伯  
仲與余爲先後同門錄存吾師此辨以俟異日再修邑  
志采擇爲之立傳卽此文亦應載入藝文志也

#### 張孝子淦

香吟師碧琅玕館詩鈔有張孝子詩序云孝子名淦字  
德華吾師書田先生次子也性純篤夙以孝聞隨侍延  
慶州學署年僅三十有一而卒其卒也爲母病禱天減  
已算以增母壽減算之說儒者弗道但人子愛親之心

有加無已如以理所必無少有轉念是孝有時而窮抑亦得以自寬矣夢帝錫齡載之於禮雖孝與慈有間要無事訓詁家紛紛聚訟也詩曰孝子死矣驚傳鄰里還視東齋風淒似水漬血在地厯厯可指見者詫之皆莫知所以 三解 繫維母病積時未痊誓以身代天也無言稽首泣訴額血斑斑深入地者寸許拭之而愈鮮 四解 孝子事父能爲子孝子事母則兼女阿姊云亡如未亡天留缺陷人能補日共笑言夜視寢處古有黃香君真其伍 六解 虔祝遐齡春暉滿庭如何母氏日繫 賈廷琳案繫當

敬鄉筆述卷五

五

長春書屋

依津門徵獻詩作翳

忽生日視湯藥憂心靡寧呼之必在更無他

營其目不交睫者每竟夕視無形且聽無聲而母日復

明 七解

詩共八解謹錄四章吾師文鈔並有張孝子傳

孝子事實詳直督張敬達公樹聲奏疏已於光緒八年

得旌矣文珊司馬津門徵獻詩緘齋雜識備載焉茲不

具錄特舉以表章之以俟再修邑志列入孝行

胡孝子柄泰

碧琅玕館詩鈔又有詠胡孝子詩嗚呼胡孝子母生亦生死亦死將以激澆風驚傳遍閭里事母非徒備甘旨

母夙畏雷聲孝子望雲疾歸視母性重周親孝子濟人  
幾忘已胡爲母病竟不起孝子哀號號不已抱此孺子  
心何暇裁以禮相從地下而已矣嗚呼胡孝子又記聞  
類編有胡孝子傳孝子名柄泰字小帆秉性純篤淪隱  
自甘母氏矢柏舟節孝子侍奉不離左右凡起居飲食  
疾痛疴癢莫不維持調護或有拂鬱意必多方將順得  
歡心而後已同治癸酉春孝子年已四十有五母氏春  
秋逾八旬忽邁疾大漸孝子延醫請禱殫竭心神無何  
母卒孝子竭蹶營斂偏若不甚哀號者距母死五日妻

敬鄉筆述卷五

六

長春書屋

孥莫之知孝子竟仰藥死矣時同治十二年三月晦也  
嗟呼黃泉相見母子如初性何至也事抑奇矣我獨惜  
其格於例不得旌而其以身殉母之苦衷有可爲世之  
薄於孝者勸案此傳敘孝子素行甚詳文珊司馬津門  
徵獻詩備載焉茲節錄其要以表章之以俟再修邑志  
列入孝行

書趙錫朋死事

碧琅玕館文鈔又有書趙錫朋死事一則趙生名錫朋  
天津城北人幼失學習弓馬應童子試胞弟錫九始就

傳聘族中疏屬之伯父行爲句讀師師徒宿塾中別爲一院一日生在外聞家中不戒於火疾馳歸見家塾適在火中度老弱不能自脫冒火直入少頃負其弟出遍體爲火所灼不自覺眾亦未暇問也第見釋弟於地反身一躍煙焰迷漫莫辨其得入與否眾譁然望之不見其出而火勢愈盛約逾一二刻始竭蹶從屋後短垣出負其師不釋手纔及地卽悶絕矣久之復甦火亦旋息越日生及弟先後死師始起而能言乃備述其迷不得出火中奔突之狀嗚呼義矣抑何其烈也夫以勢甚燎

敬鄉筆述卷五

七

長春書屋

原不可嚮邇之時使第隨眾撤垣激水踴躍其間及事後生者自生死者自死亦未必有以不死責之者然而五夜捫心必悔恨以眾人自處未能竭吾心力視天下無不可回之患氣吾身無不可蹈之危機此心不死當汗出浹背有不堪爲人者矣况當負其弟與師而出也儻邀如天之福共獲生全以延其命此亦事所或然理所當然者烏得預謂其必不可爲致令倫常之地遇變而窮於術徒付之無可如何而抱憾終身哉當路者請於朝而旌之予爰爲泚筆書之案趙君錫朋冒火一入

再入救其弟復救其師身蹈危險純率天性利害死生皆不違計其義洵爲人所難能也因錄此文以表章之以俟再修邑志采擇爲之立傳列入義行

### 金剛愍本籍建立專祠

續邑志金念直觀察光筋忠節有傳傳未敘特旨照布政使陣亡例議卹入祀京師昭忠祠並本籍及陣亡地方昭忠祠又於壽州建立專祠予謚剛愍本傳止此未及本籍建立專祠一節本籍專祠蓋允漕督袁甲三之請也咸豐十年庚申袁端敏疏稱故員金光筋歷任牧

### 敬鄉筆述卷五

### 八

長春書屋

令輿誦攸歸力保危城武功尤著茲據光筋親族田履安郭耐等稟請援案於故員原籍天津建立專祠隨同陣亡之勇目六品頂翎呂祥邱常六品軍功章貴黃悅祁視祁和周洪姚山等八人一併附祀並請將故員之祖父叟祖母胡氏父鎔母田氏賞給二品封典以勵忠貞而維風化奉旨允准施行案金觀察本傳未敘本籍建祠未免疏略況旣建專祠尤應徵信於後爰就金氏所存全卷稿件摘要錄出嗣閱華文珊緘齋雜識亦錄袁端敏奏疏並載同治元年壬戌二月賜祭一壇七年

戊辰七月賜祭一壇文冊司馬謂於邸報中詳載者錄之歷觀聖恩高厚追念故員身後疊膺曠典是皆光筋傳中所宜備書以昭哀榮者也

### 金剛愍眷屬蘇城殉難

剛愍公本籍建立專祠光緒十七年經觀察族人金玉雯於城內石橋街路東住宅之南建成稟懇直督爵閣部堂李奏請立案列人祀典余因得見金氏所存全卷文稿始悉剛愍公眷屬在蘇殉難事蘇撫吳中丞元炳會奏摺稿清單內開候選直隸州知州金厚增直隸天

### 敬鄉筆述卷五

### 九

長春書屋

津縣人以上外籍官紳一員請照陣亡例賜卹仍入該縣總祠總坊二品封典原任江南睢寧縣知縣金鎔之妻田氏按察使銜記名道安徽廬州府知府金光筋之次女金全姑候選直隸州知州金厚增之妻金葉氏民人金守箴之長女金領姑次女金愛姑俱直隸天津縣人以上婦女五口均請照奏章賜卹仍入該縣總祠總坊光緒五年閏三月二十八日會奏奉旨均著照所請分別旌卹單併發欽此案金刺史厚增卽剛愍公子也

咸豐十一年四月粵匪陷蘇城日

高凌雯案蘇州失守係咸豐十年四月此

作十一  
年誤 巷戰陣亡暨眷屬殉難續志未載爰摘錄蘇撫

吳中丞會奏清單於冊以俟再修邑志分別立傳載入

### 陳遊戎毅

華梅莊學博米齋札記吾津俗習强悍生斯土者率多忠勇之士計歿於王事者共三十餘人而事蹟無攷者不與焉案米齋札記自明嘉靖敘至國朝同治二年共二十餘人死事者皆文武職官也內載咸豐八年大沽之役陣亡者陳遊擊毅常千總榮魁趙千總國璧檢閱續邑志忠節傳後附咸豐八年四月八日海口陣亡各

### 敬鄉筆述卷五

十

長春書屋

員甄河遊擊沙春元千總李墉石振岡常榮魁趙國璧較札記多沙李石三人而無陳遊戎惟續志所記不皆津人觀後載同治二年六月十五日山東臨清之役陣亡各員姓名於下特注以上六員俱天津縣人可證且此條所記姓名人數與米齋札記無異以此證之沙李石三員當非吾津人而陳遊戎毅不知何以遺略統觀札記歷敘文武各員皆有可攷况梅莊學博有事蹟無攷者不與焉之語必知詳審而後載也爰照錄存俟再

攷詢

賈廷琳案夏忻中西紀事所載大沽殉難共  
十二人內游擊沙春元署游擊陳毅經制外  
委石振岡與米齋札記及天津續志同又把  
總李瑩當卽續志所載之千總李墉而常榮  
魁趙國璧二人則殉難十二人內無其名未  
詳何故又載西人月報大沽武弁之忠勇外  
國一人亦慕之礮臺失陷之時有四品頂戴  
二人一人心慕之礮臺失陷之時有四品頂戴  
云錄此以執旗自勿意指沙陳二游擊也云  
備攷核

敬鄉筆述卷五

十一

長春書屋

誦芬彙錄附存

誦芬彙錄鑿於諸家詩鈔筆記見有上代詩章  
暨名人題贈詩句謹彙錄存尚冀續見上代之  
詩編作一集

喜雪詩 用禁體

國朝畿輔詩傳載先曾伯祖春卿公喜雪用禁體七古  
一首詩云幾年歲歉冬無雪九十寒威吹土裂今年麥  
隴又塵生何處農人不愁絕元陰忽作天地荒靜夜如  
聞松竹折攬衣未敢意紛披執火初然見明滅就觀砌

敬鄉筆述卷五

十二

長春書屋

下已深深仰視簷前方屑屑旋將嘉兆慶桑麻預信豐  
年恣口舌平明踐素出通衢近午衝寒尋嶺嶠郭外春  
萌彭澤田山間陽起仇池穴恨無綠萼鬪新輝祇有清  
辭追古哲歐陽近體一爲之白戰何曾持寸鐵謹案津  
門詩鈔徐金楷字端叔號春卿乾隆戊午科副榜著有  
步青堂餘草又云春卿先生少年英俊文名推一時青  
雲自許以中副車憤惋而卒同邑青蛻居士丁時顯與  
公爲文字至交俱早折鑾見詩鈔所載獨無喜雪一首  
知陶鳧薌先生蓋從春卿公詩集選出詩傳前列所選

詩集名目共五百餘種內有步青堂餘草也鑾甫弱冠知有此集之名迄未得見想早經散佚矣

詠貞烈殷氏詩

彤管流芳專輓貞烈殷氏之作劉府尊君成彙爲一集刊而傳之者也殷女年十六邢氏構媒誑其母娶爲婦入門以穢行逼焉母聞之抱恨死氏益孤堅自矢姑嫂備極慘虐加以炮烙之刑終不屈事聞於府剖於縣氏垂歿究無一言自表則可謂貞烈矣時在乾隆七年一時文人墨客歌詠其事甚夥鑾見津門詩鈔亦多採入

敬鄉筆述卷五

十三

長春書屋

曾伯祖春卿公貞烈殷氏行七古一首與焉嗣見華文珊司馬緘齋雜識詳列集中輓殷氏作者姓字見有先曾叔祖雲茂公並知文珊司馬藏有彤管流芳詩集因向聽橋二尹借閱內載雲茂公五律二首謹照錄出詩云聖化洽臯瀕閨流亦自珍守閑同白屋建節及青春沸鼎無遷避鎔金豈逡巡壯夫如此少憑弔幾酸辛次云奇遭泣比鄰五馬訊根因不敢勞明問猶思諱所親委衾安大化舉手謝時人沒世名應遠旌書下紫宸先曾叔祖雲茂公

國松

乾隆六年辛酉科舉人見續志選

舉錄二詩於此僅見

金芳舟圖照題句

華少梅茂才脞錄金芳舟先生性嗜琴曾繪圖照一幀  
題詠甚夥特將邑前輩題句錄出鑿於題句得王觀濤  
侍御五古一首俞厚安軍門七絕一首已另錄存並見  
有先曾叔祖面堂潞城公汝槐七絕一首詩云流水高  
山寫素心伯牙應歎得知音而今兀坐長松下膝上猶  
橫太古琴又先曾叔祖永菴贈資政公齡椿七絕一首  
詩云十里雲林白日陰焦桐靜撫意何深懸知斯世無

敬鄉筆述卷五

十四

長春書屋

鍾子故向幽巖寫素心先曾叔祖潞城公乾隆十七年  
壬申恩科舉人山西潞城縣知縣見續志選舉錄贈資  
政公卽先叔祖晴圃公封翁也二公詩於此僅見謹照  
錄於冊

碩德耆年會詩

周南橋別駕耆飲昇平冊有先曾祖德謙贈榮祿公之  
柄五律二首詩云尙齒兼崇德由來此會稀君能敦古  
處予亦攬餘徽竟日聆高論隨時見道機所慙實未副  
杖履許相依在昔香山會曾參六秩人共分履道席偕

醉洛陽春故事前賢襲遺蹤此日新相期卅載後常願  
奉音塵詩後注云南橋先生邀予入碩德耆年會自顧  
年未及而德無聞乃能預茲盛事慙忝之餘有深幸焉  
賦此答意鬢髮齡時嘗聞上輩談先曾祖列武庠與俞  
厚安軍門爲至親同習騎射皆嫺吟詠未聞著有詩稿  
二律實於此冊僅見想同厚安軍門詩皆不多作也

竹溪泛櫂圖題句

脞錄又載竹溪泛櫂圖一幀偶於書肆見之幀端邑前  
輩題句頗夥錄存一二云云鬢見內有先叔祖晴圃公

敬鄉筆述卷五

十五

長春書屋

七絕二首謹照錄出詩云竹林深處繫輕舟水色天光  
澹沱秋獨倚一竿無限思濠梁逸興武陵遊澄懷恬澹  
契幽閒翠竹蒼葭水一灣知是江南垂釣客秋風鱸膾  
憶鄉關案津門詩鈔載有晴圃公嶽麓書院題壁七律  
八首曩聞晴圃公著有吟香書屋詩鈔鬢未之見僅見  
刊本吟香書屋奏疏十六卷高凌雯案吟香書屋當作  
書室十六卷當作八卷  
詩鈔想當日未刻鬢於脞錄所載二圖得見兩代之詩  
且曾叔祖二公詩句更屬創見實爲厚幸也

張船山題從軍圖詩

張船山太守問陶船山詩草有題徐晴圃閣讀從軍圖  
七律一首詩云青山影裏見弓旌想像從戎萬里情難  
向承平求猛士能懷雄略讓書生陰符那用埋頭讀露  
布爭看倚馬成我聽鐃歌亦回首草間狐兔莫縱橫謹  
案墨經從軍圖作一長卷卷端有那文毅公彥成書從  
軍圖三大字綴有跋語憶在嘉慶四年偕晴圃五弟于  
役川陝馳驅萬山之中曾以五千兵禦賊五萬於鎮安  
惟晴圃言笑自如以此相器重而交以成及今三十餘  
年矣各冉冉老載展此圖得無慨然因題一絕少小從

敬鄉筆述卷五

十六

長春書屋

戎意氣間金戈鐵馬萬重山披圖此日都陳迹翻作諸  
侯壁上觀卷中吳山尊齋一序鮑雙五桂星一贊其他  
題句如姚姬傳孫淵如石琢堂蔣笙陔盧南石百菊溪  
英煦堂賈廷琳案英煦堂  
似當作英煦齋陳秋舫姚秋農陳芝楣名作

林立有數十家之多皆一時名公巨卿高材續學之彥  
詩文墨蹟俱不易得允足寶貴卷末晴圃公自識云嘉  
慶四年己未秋八月予時讀禮津門適大司空那繹堂  
先生奉命督師陝右奏令隨往九月馳抵西安計從事  
行間遍歷秦嶺終南及隴西階文平陰諸境凡八閱月

庚申夏五差竣言旋迴憶師律之整嚴山谿之險峻宛在目前癸亥秋倩海豐李桐圃爲予寫照越年沈青來表仲補繪成圖非敢以戎馬告勞也聊作軍行紀事云爾甲子六月圖卷已成巨軸函以檀匣裏以錦袱爲鑾嫡堂弟漢澄大令士鋆所寶藏也

謹案圖卷內張船山太守詩起二句作青山影裏望弓旌想見從戎萬里情首句原寫作露弓旌必因第六句有露布字樣將露字點去旁注望字又難向承平求猛士句卷中作求猛將今

敬鄉筆述卷五

十七

長春書屋

閱刻本改筆可稱斟酌盡善矣名家傳作推敲一字不苟於此可見

沈存圃明府紅葉和韻

沈存圃明府峻欣遇齋詩集蠡軒集紅葉和徐朗齋五律詩云何事怨春風依然有落紅影分籬下菊愁伴井邊桐古驛疏煙外寒山夕照中莫憑題句好溝水自西東又簡徐午園朗齋兄弟七絕二首詩云坐破繩牀懶出門偶因行藥到前村客來不見人如玉小疊紅箋剩墨痕玉臺佳句邁黃初瘦盡東陽恐不如他日思君當

載酒紫荊花下擁殘書午園公輝爲鑾堂伯祖乾隆甲  
午科舉人官至江西高安縣知縣續邑志循吏有傳未  
聞著有詩集想早經散佚矣先大父贈榮祿公字朗齋  
諱炆乾隆癸卯科副榜續邑志文苑有傳著有朗齋詩  
文集

又寄德化尹詩

又潘餘集寄德化尹徐蘊齋七律詩云君訪開先漱玉  
亭當年遊屐我曾經難隨湖上仙人舄且伴天邊處士  
星治譜不妨雲外寄琴聲可許夢中聽遙知退食相思

敬鄉筆述卷五

十八

長春書屋

切萬疊寒山照眼青蘊齋公爲鑾堂叔祖續邑志例貢  
徐然字蘊齋廩生由謄錄議敘任江西萬安縣縣丞官  
至德化縣知縣蘊齋公同午園公當日必皆能詩然亦  
未聞著有詩集

長夏漫興七絕一首

津門詩鈔華春浦明府蘭小傳春浦先生與徐公朗齋  
齊公秋帆沈公東巖張公嘯厓同時唱和鑾記弱冠時  
嘗聞先胞叔竹士公云先大父性嗜吟詠與沈東巖孝  
廉存圃明府兄弟相酬唱著有朗齋詩文集以僅中副

車憤鬱而卒所著詩文集曾託舊姻沈氏

記似守琴表兄瑛之上代

非存圃先生族也

攜至江西付梓嗣沈翁宦迹轉徙山川脩沮

音問罕通此稿遂不知遺失何處先叔父每談及之輒以爲終身憾事迨鑾歸里後重讀津門詩鈔見華春浦明府小傳既謂先大父與諸鄉先輩同時唱和又於沈存圃明府詩集中見有和韻及柬先大父詩是先大父姓字疊見詩鈔而竟無詩章載入回憶先叔父之言未嘗不中心感喟也先是漢澄弟士鋆敬檢遺書曾於先大父手鈔文選冊中得素紙手書七律一首爲戲贈友

### 敬鄉筆述卷五

十九

長春書屋

人之作靜心尋繹實有所因然命意所在難以臆斷故不敢錄什襲珍藏謹存手澤而已當檢得此詩之時尙有寸寬仿紙一条折疊另一葉內書有七絕廿八字云一桁湘簾漾篆煙綠陰庭院日長天攤書淨几添清課細讀南華內外篇後書長夏漫興雖未著有名字紙色墨色與前詩相同證以大父所鈔文選筆迹絲毫不爽士鋆與鑾逐字互證悉心核對確是先大父遺詩謹照錄存不勝悅幸尙冀吾邑舊姻世誼文士詩人見鑾上代名號有題圖書扇等作與夫酬唱詩箋照錄見貽予

小子頂感雅意盛情實無既矣

敬鄉筆述卷五

二十

長春書屋